



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuiſimiè explicantur

**Gavanti, Bartolommeo**

**Antverpiæ, 1634**

De Communi Dedicationis Ecclesiæ. V.

**urn:nbn:de:hbz:466:1-40244**

Lectiones secundi Nocturni pro Mart. non vidua additae sunt ab Urbanus VIII.

5 Sanctae mulieres, nec Virgines, nec Martyres, idem habent Officium cum precedentibus non Virginibus; sed a Pio V. habent Capitula Horarum, *Mulierem fortis*, &c. tum Lectiones secundi Nocturni ex S. Ambros. Additus est a Clemente VIII. Hymnus in Vesp. *Fortè virili pectore*, cum Antiph. ad *Magnificat* apriore, tum in primis tum in secundis Vesp. addidit alia ad Laudes Urbanus VIII. Mirantur non pauci, quod in Officio dicatur adhuc, *Veni sponsa Christi*, nimurum in 3. Nocturno: sed ea sponte retenta est, reeditanda noctu, ne sancta mulier, non virgo, reiecta videatur a nuptijs Christi spiritalibus, quibus & ipsa gaudet occultiore modo.

6 Si fuerint plures, nihil mutatur, praeter Orationem, &c. si plures sint Virgines, habent propriam Antiphonam ad vtrasque Vesperas & Laudes pro Canticis Euangelicis: *Prudentes Virgines*, &c.

7 Oratio, *Deus, qui inter cetera potestas tue*, &c. habetur in Sacram. Greg. item ibid. *Indulgentiam nobis Domine*, &c. quæ in concursu, seu in occurso duarum Virginum, seu Sanctorum mulierum, poterit dici ad varietatem, tacitis titulis *Virginis* & *Martyris*.

*De Communi Dedicationis Ecclesiarum.*

*Ecclesiarum.*

C A P. V.

1 Ecclesiarum materiali duo accidunt in ordine ad Horas Canonicas, nimurum Titulus, & Dedicatio; quæ differunt, & conuenient in multis.

Titulus Ecclesiarum est, a quo denominatur Ecclesia, puta S. Salvatoris, sancti Bartholomaei, & similium: antiquitus enim Ecclesiarum in Urbe per Titulos distinguebatur. qua de re Baron. in Not. Martyrolog. 26. *Iulij fuisse*. Hoc loco breuiter accipe, Lector, Titulum, & Ecclesiarum esse idem; eò quod in loco Ecclesiarum construenda figurebatur Crux in Titulum, Ord. Rom. cap. de *Aedif. Ecclesiarum*. Romæ item, ex antiqua loquendi consuetudine, non omnis Ecclesia Titulus dicebatur, sed tantum insigniores Ecclesiarum, quibus præficerentur Cardinales; unde Titulus Pastoris dicta est Ecclesia sanctæ Pudentianæ, in Martyrol. 20. *In ny*, & Titulus Eudoxiae Ecclesia sancti Petri ad Vincula. Euaristus autem diuisit in Urbe Titulos Presbyteris, hoc est, multiplicauit Ecclesias, quæ dictæ sunt Tituli, accepta nomenclatura a rebus fiscalibus. Tituli namque impositione rem sibi Fiscus vendicabat, & Principi consecrabat: & erant hi Tituli vela quædam, quæ regiam repræsentabant potestatem cum imagine vel nomine Imperatoris; cornicæ regiae, apud Ambr. Epistola ad Marcellinam. quamquam notabantur etiam litteris, ex August. in Psal. 21. Expos. 2. quos Titulos vennit imponi Ecclesiasticis rebus S. Gregorius libro 5. Epistola 44. qui optimè norat Titulos ecclesiasticos diuersos esse a fiscalibus: hi ergo vela erant, illi vero signum Crucis. Præterea Ecclesia dicta est Titulus; quia, qui eidem adscriberetur Presbyter, ab ea nomen Titulumque accipiebat, vt eius loci diceretur Presbyter (quod & hodie) inter Cardinales. Fuisis hæc idem Baron. Tom. 2. Annalium anno 112. Titularis ergo Ecclesiarum

clesia est ille Sanctus , à quo Titulus seu Ecclesia denominationem habet.

2 Dedicatio verò Ecclesie est ipsa-  
mer cōsecratio facta ab Episcopo, vt in  
Pontificali, quæ ita recolitur quotānis,  
vt natalis dicatur dies, ex sancto Leone  
*Sermone de Machabaeis*, dedicati tem-  
pli, Bellarm. *de Cultu Sanctorum lib. 3.*  
*cap. 5.* De more antiquo fuit introdu-  
cta, ex Eusebio *lib. 9. Histor. cap. 10.*  
Festum autem Dedicacionis dignius  
est quam Sancti Patroni loci, seu Titu-  
laris Ecclesie , vt probauimus *Sectio-*  
*ne 3. cap. 8. num. 7. pag. 29.*

3 Conueniunt in his. Sunt enim pri-  
mæ classis; habent Octauam; celebrari  
posunt infra Octauam Epiphaniæ;  
item in Dominicis secundæ classis: in  
eisdem, si Vigilia occurrat, nihil fit de  
ea , nec etiam in Laudibus. Habent  
primas Vespertas integras, etiam in se-  
cundis Vesperris diei Octauæ Epiphaniæ,  
Pascha, Ascensionis, & Corporis  
Christi, cum alijs priuilegijs Festorum  
primæ classis. Sed iam dicamus de sola  
Dedicacione.

4 Si contingat dedicari Ecclesiam in  
aliquo Feste ex solemnioribus, ne quot-  
annis occurrentia duo Festa ē inuicem  
impediant, potest Consecrator decer-  
nere alium diem ad celebrandū anni-  
uerfariam Dedicacionem Ecclesie; pu-  
ta, vel diem Dominicū proximiorem,  
vel alium adeo commodum, vt possint  
Octauæ celebrari liberius, & populus,  
præsertim rusticus, maiori frequentia  
colere Festum possit. Translationem  
verò eiusmodi à Consecratore posse  
fieri ex iusta causa , decreuit sacra  
Congregatio Rituū *die 19. Februa-*  
*rii 1585.* vt refert Paulus Praelucius in  
sua Præxi part. i. cap. 5. n. 8. §. Diem.  
& Congregatio item Cardinalium su-  
per negotia Episcoporum, respondens

hac de re Episcopo Bissinen. *die 14 Fe-  
bruarii eiusdem anni, citato Spec. Com-  
sil. 4. par. 3. Rubr. 52.* Extra actum re-  
rò Consecrationis non potest amplius  
mutari Festum, inconsulta sancta Sede  
Apostolica : quæ 16. *Oktobris 1604.*  
iussit fieri de Dedicacione Ecclesie in  
ipsam die Nascitatis beatæ Virginis,  
in qua accidit Consecratio; & duas  
potius cattari Missas de duobus Festis,  
teruata in reliquis Rubrica de Con-  
currentia Octauarum.

5 Præter propriæ Ecclesie Dedi-  
cationem, celebrari quoque debet anni-  
uerfaria Dedicatio Ecclesie Cathedra-  
lis; in cinitate quidem cum Octaua, in  
Diœcesi sine Octaua, ex Decreto facie  
Rituū Congregationis 2. *May 1619.*  
erit tamen in Diœcesi quoque prime  
classis Festum , instar eorum que  
transferuntur ultra Octauam, & sine  
Octaua celebrantur ; vel vii Festum  
Patroni loci , quod celebrari debet  
Regularibus, qui tamen non tenentur  
ad Octauam celebrandam. Neque te-  
nentur ijdem ad hoc Festum Dedi-  
cationis Ecclesie Cathedralis , nisi ex  
quadam congruentia , & præseru-  
li popolare sit Festum , non Cleri tan-  
tum: ob rationem allatam suprà, cum  
de Patrono loci ageremus. Quod si  
concurrant , seu occurrant Dedicatio-  
num Festa, vel Octauæ , pro varietate  
Orationum, sumi ea poterit, quæ as-  
signata est ipsi diei Dedicacionis: quod  
additum fuit Rubrica in postrema  
Breuiarij recognitione.

6 Occurrentibus autem Dedi-  
catione propria, & Dedicacione Cathedra-  
lis Ecclesie, eodem die, quænam erit  
celebranda? Rota Rom. *Decis. 1616.*  
num. 1. & per totum in recentior. par. 1.  
definit, præferendam esse Dedi-  
cationem propriæ Ecclesie: Quare de hac  
fice

fiet Officium infra Octauam cum commem. Octauę Dedic. Cathedralis, translatio Festo altero in primam diem non impeditam. Neque dixerim, esse communia priuilegia hisce duabus Dedicationibus, quæ Dedicationi propriæ Ecclesiæ data sunt, nisi novo Decreto hanc communia putat, si occurrant infra Octauam Epiphaniæ.

7. Officium Dedicationis est Duplex maius apud Durand. lib. 7. cap. 1. cum Octaua, ibidem: vbi & indicat Officium, quo nunc utimur, cap. 48. Psalmos notans resonates portas, atria, & ædificia. Concordamus cum Breu. M. S. & edito 1550. quod est vicinius Concil. Trident. & Pio V. restituenti Breuiarium Romanum: neque Pius mutauit, nisi de more suo Lectiones primi Nocturni, ut essent de Scriptura, iuxta Regulam antiquam Romanam, ex Radulpho Propos. 11. addiditque Lectiones varias pro tota Octaua, & Orationem propriam pro ipso die Dedicationis. Atque ex hac Octaua, quam non habent alia Sanctorum Communia, cum Lectionibus uniuicue diei assignatis, colligitur eiusdem Festi excellentia & dignitas super alias Octauas Sanctorum, quæ celebrantur cum Lectionibus de Communi sumptis. De Antiphona & Psalmo, *Qui habitat*, in 3. Nocturno, vide quæ diximus Sect. 5. c. 7. n. 12. pag. 75. Contra regulam communem Breuiarij, Responsorum breue ad Sextam non sumitur à secundo Versu Nocturnorum Matutini; quia hic Versus non potest diuidi in prima sui parte ut alij Versus, & ideo vice illius dicitur, *Locus iste*, &c. Habet alia de Dedicat. Eccl. in primo Tomo pag. 293.

## De Officio B. Marie in Sabbato.

## Cap. VI.

1. **S**Abbatum dicatum esse B. Virginis, constat, & docuimus Tomo primo pag. 7. meminitque huius ritus Microlog. cap. 60 & Urbanus II. contemporaneus Micrologi in Concilio Claramont. anno 1096. Officium in Sabbato beatæ Virginis Decreto suo destinavit, Radulph. Propos. 20 Non est ergo votuum, ut aliqui scripserunt, sed præceptuum, quod habet originem impropriè à voto Ecclesiæ, si votuum contendas esse.

2. Ritus Officij est ad modum Festi Simplicis, quod optabat Radulph. ibidem: nec tamen apparet, quo ritu tunc temporis Officium fieret de' beata Virgine hac die; sed neque reperitur Officium hoc in Sabbato in Breu. M. S. Et fortasse id causæ fuit; quia ante Pium V. tenebatur Clerus ad recitationem quotidianam Officij parui beatæ Mariæ, vñ cum Officio Domini: quam obligationem abrogauit Pius in Bulla ante Breuiarium posita.

3. Quare totum hoc Officium cum Lectionibus sanctorum Patrum singulo mense pro varietate legendis, ius tu Pij V. fuit compositum, & editum. Clemens VIII. illud recognouit, mutata tantum Lectione pro mente Aprilis, quæ erat sancti Epiphanij, nunc vero S. Hieronymi.

4. Fit autem in omnibus Sabbathis non impeditis Officio quoad ritum digniori; quale est etiam Feria maioris, aut Dominica anticipata, quæ scilicet sum non habet locum, ut diximus Sect. 3. c. 5. num. 9. pag. 25 quanu quidam nimis pij erga B. Virginem anticipare vellet in alia Feria, nimium amantes sui, ne Sabbathi Officium recitent.